

Cable 4

（车辆维修技工登记、活动场地）

大会司仪急急子： 得到嚟自运输及房屋局嘅常任秘书长（运输）黎以德太平绅士，做我哋嘅主礼嘉宾！亦都好感谢各位车辆维修业嘅机构，派出咁多代表、咁多猛男同埋靓仔，出席我哋今日呢一个推广仪式。今日呢个推广日，好希望大家可以多多认识呢个车辆工场注册计划！

运输及房屋局嘅常任秘书长（运输）黎以德太平绅士： 妥善维修及保养车辆，能够有效减少意外嘅发生，提高道路安全，同埋减少空气污染……成立咗汽车维修服务工作小组，探讨点样规管车辆维修业，同埋提高佢嘅服务水平。政府同埋业界，都认为应该系以一个按部就班嘅方式，推行自愿注册计划。署方喺一三年进一步推出工场约章计划，鼓励车辆维修工场共同参与。为咗进一步提升车辆维修业嘅服务水平、专业形象，同埋竞争力，机电工程署喺旧年嘅七月推出咗车辆维修工场自愿注册计划。新嘅计划推出，到今日，已经有差唔多一千间工场获批同注册。

大会司仪急急子： 三！二！一！**Start the engine!**

（现场观众拍手）

推广大使张继聪： 好开心今日喺度，同大家推广呢个计划。好荣幸能够得到机电署邀请我成为呢个大使。我同大家一样，都系有宝贝车啦！有啲人讲架车系第二个老婆咁嘛……上机电署个网页，就可以搵到我哋已经有千几间车房注咗册，一定可以搵到。好多好处，所以希望大家可以多多支持呢一个计划嘞！

大会司仪急急子： 非常之好嘅推广大使呀！大家畀啲掌声张继聪。

推广大使张继聪： **Thank you.**

推广大使张继聪： 黄生可以话系颠覆咗传统呀！对呢个车房老板嘅一个形象……你睇吓佢青年才俊咁样啦！

大会司仪急急子： 好靓仔后生㗎！

推广大使张继聪： 又好靓仔啦！韩星咁样啦！咁呀黄生，你几时知道我哋有呢一个注册计划呢？

注册车房东主黄家伦先生： 当时都有考虑过想申请嘅，但系比较忙啦，直至到嗰一年之后，成日畀一个人洗脑，就系你啦！

推广大使张继聪： 系？

注册车房东主黄家伦先生： 见到你个广告，不停喺度讲呢样嘢……

推广大使张继聪：整车有难度。

注册车房东主黄家伦先生：系啦！加上喺两个月前，机电署嘅大使就过咗嚟我哋嘅车房，又介绍咗呢个计划畀我哋，咁我就决定申请呢个注册。

推广大使张继聪：多谢你嘅支持先啦！咁我谗好多车房嘅老板，或者好多朋友，都会觉得，最怕系咩呀？最怕系麻烦。咁我想问，成个注册过程会唔会好困难、好多手续呀？

注册车房东主黄家伦先生：其实就有乜困难嘅。其实最主要首先就系预约咗佢哋嘅大使过嚟我哋车房先，咁跟住佢哋都会讲吓个申请流程，有啲咩嘢需要，同埋注册需要。跟住佢又协助我哋填返啲 form，同埋交返啲所需嘅文件，畀返佢哋大使，咁就 OK 架啦！

推广大使张继聪：咁好方便㗎！大家如果想加入呢个计划，就唔使担心啦！即系原来好容易就搞掂咗啦！好，唔该晒黄生。注册咗之后呢，生意有冇好咗？呢个最紧要呀。

注册车房东主黄家伦先生：其实以往不𨵿都系做开啲熟客多，生客就有时比较少啲啦！但系喺近排啦，有几个新客都系因为见到我哋贴咗呢个注册车辆维修工场嘅注册计划嘅啲张证书，咁入嚟帮衬我哋。

推广大使张继聪：识货㗎嘛！咁就更加好啦，有旧客又有新客。好啦，我哋多谢黄生嘅支持。咁同时我哋都要同华姐倾倾啦！华姐又再一次颠覆大家对车辆维修技工嘅背后形象。会唔会有士巴拿跌出嚟架？

车辆维修技工华姐：（笑）

推广大使张继聪：华姐系整车嘅技工嚟架㗎！好犀利架㗎！你从事咗几耐呀呢行？

车辆维修技工华姐：而家总共都有十三年啦。

推广大使张继聪：咁耐呀，俾啲掌声。真系犀利。可能在座啲朋友嘅宝贝车都系华姐整嘅。好嘞，点解你会自愿加入我哋呢个计划，成为注册维修技工呢？

车辆维修技工华姐：因为注册咗对自己嘅经验、资历系一种嘅认可㗎！真系得到一个好大嘅认同㗎！

推广大使张继聪：唔！咁就当然啦！以前有一个注册嘅认可，咁就差啲，但而家话晒系有张沙纸。即系有个认同。咁做咗注册技工之后，有冇啲乜嘢好处呀？或者会唔会介绍朋友，可能你哋同行，都会呼吁吓佢哋去参加。

车辆维修技工华姐：有架，我认识啲啲技工、同事、旧同事，全部都注册晒、

姐：申请晒啦！

推广大使张继聪：即系全部都攞晒认可资格？

车辆维修技工华姐：系。

姐：如果你有朋友，你都会鼓励佢哋参加？

推广大使张继聪：会架！

车辆维修技工华姐：唔，非常之好呀！我哋有冇嘢补充呀？

推广大使张继聪：非常之好呀！你哋每个人都介绍得好好！两位亦都系好似令大家有耳目一新嘅感觉，我哋车房嘅老板可以好靓仔，韩星咁样嘅，然后做技工亦都系靓女嚟嘅。

大会司仪急急子：直情系靓女啦！犀利呀！俾啲掌声两位好有呀？Thank you！今日我嘅任务当然系推广啦！总括嚟讲，两句嘅说话，认住注册标志，整车更有保障。希望大家可以支持我哋呢个计划，Thank you！

推广大使张继聪：大家一齐认住呢个标志啦！就系认住注册标志，整车更有保障。我哋一齐 yeah 好有呀？畀个 Like 嘅手，Like 嘅手指！

大会司仪急急子：Yeah！

全场：Yeah！

（活动花絮——替车辆维修技工登记、拍照摊位、黄先生及华姐合照。）